

10350127  
71  
1212

卷首

序 目錄 凡例

職名 圖

卷一 天文藝志

分野 祥異

# 宜良縣志

卷一

民國十年鑄

宜良縣志

石屏袁嘉穀署

宜良縣志序

天津嚴范孫前輩之言曰民國成士夫曠將以事一邑之事而傳後世之名厥惟修志乎雖然吾見夫修志者矣匪穢則陋匪私則泛匪草率則曠日持久且弗成書亦足見士夫自修之妙實而哀然成帙者之難也矧燦燦可觀犁然有當人心者耶宜良許秋田孝廉著作才也歸里撰書以一寒暑之力修宜良志十卷綱舉目張條分縷晰合採訪修飾於一手所謂燦燦可觀犁然有當人心者蓋庶幾焉猶復彊彊善下屬予潤色夫子何足言潤色哉為之吹疵索癥釐正數四章實齋有言修志莫要於沿革豈不以徵古跡昭來許俾觀者生愛鄉之心於不自覺非沿革志而莫由耶予

宜良縣志

卷一 序

雲南官印局代印

嘗浪遊宜境見夫河流浩浩沃野平原石嶺湯池稱滇中富庶沃壤欲求鴻荒之遺蹟弗可得已載籍所存殆楚莊躡王滇畿內而

漢益州滇池縣東境文化之開其在斯乎

漢地理志滇池注大澤在西南池澤在西北有黑水祠竊謂注

之滇池二字沿滇池縣名而衍澤在西三字沿上文而衍詳見滇遂縣治當在今晉甯阮志乃穿鑿以大澤即今楊宗海滇池澤即今昆明池因以宜良為滇池縣殊誤但宜良去晉甯不過百餘里謂宜良為滇池之東境庶幾得之 諸葛武侯南征後民去山林徙平地滇

本山叢宜良即平地之一也然則斯境居民之盛其在蜀漢時乎

南北朝時滇為爨據唐書地理志自曲州靖州昆州曲軛晉甯喻

獻安甯距龍和城謂之西爨宜良屬西爨蓋無疑矣

西爨都今晉甯詳見滇遂 元

史地理志宜良唐匡州即其地蠻酋羅氏於此立城居之名曰羅

哀籠考爨氏三十七部之中有落蒙部落羅音近

滇人讀此二字混為一音 蒙即



哀寵之合音然則自晉迄唐宜良或即落蒙部歟或以落蒙爲路南路南本與宜良接壤

夫正史紀宜良之名始自元史今官於斯生於斯者正史且置不

問况周漢間之宜良視同草昧不亦宜乎元憲宗六年立太池千

戶大池即太池隸嵩明萬戶至元十三年升宜良州治太池縣二十一

年州罷爲縣廢太池來屬明因之遂迄於今時而爲郡屬時而爲

萬戶屬時而爲州有縣屬今日直隸省署矣以一邑之地而沿革

若此其大苟非徵引信史將千百年之真相所以遞嬗遞進而有

今日之宜良者孰從而知之亦孰從而聽之予不敏謬參末議幸

是書之成且犁然而可觀乃舉一愚之見補書中之所未備並以

爲序質孝廉且質宜良愛鄉之君子民國十年九月晦石屏袁嘉

宜良縣志 卷一 序 雲南官印局代印

穀樹圃氏序

宜良縣志序

邑不可無志猶國不可無史一邑無志則一邑之故實不可考修國史者何所徵取而彰往以示來故邑不可無志然謂邑志之體與國史同則又不可國史事多故其文宜簡邑志則宜繁不宜簡其事苟不悖義例者皆當采入以俟他日修史者徵取而刪削之耳昔在清康熙間崑山徐尙書主修一統志吏上節婦名多至十餘卷門下士請核減之公曰國朝風教邁前古宜備載其盛以矜後世嗚呼何公之所見獨得其大耶故吾於修志者亦不欲以簡之說進與其失於簡毋寧失於繁也夫私家修志成於一手最擅時譽者莫若康海武功志韓邦靖朝邑志即康韓當時亦皆高自

宜良縣志

卷一 序

三

宜良官印局代印

位置幾於不讓而後之議者以史法繩之其所謂高簡者則曰蕪穢其所謂簡淨者則曰拉雜吁亦過矣是直以國史例邑志而不知邑志乃備國史之采擇也今者許君秋田以續修宜良縣志成徵序於予予惟許君以一人之力於一歲之中而成是書其用力可謂勤矣而其用意亦在詳其事實使一邑文獻不至如杞宋之無徵故其於舊志則訂譌補闕於其所自續者必博采旁搜期於完備其卷帙遂較舊志十增其七豈非寧繁毋簡之意與予適相契合哉故書此以質諸許君并以諭世之修志者辛酉秋七月昆明陳榮昌序

## 宜良縣志序

民國七年冬滇中盜風正熾宜良適當其衝城鄉居民一夕數驚時余奉命權縣篆當道首以治盜責余余亦以治盜自任既下車即調取縣志考其山川道里村落以爲清鄉弭盜計惜乎舊志多殘缺也緣舊志創修於明萬曆間續修於清乾隆間迄今已一百三十餘年其間文化之進人物之多循吏耆儒代有傳人迨咸同兵燹歷十八年受創諸邑以宜良爲最鉅岑襄勤公以知縣起師削平大難亦以宜良爲最先近則郵政便捷鐵道交通商務之繁自倍往昔俗尚亦因之一變加以興學勸業練團設警諸新政皆昔無而今有者使無以志之不特近年事蹟無所表章即前代遺

宜良縣志

卷一 序

書亦將湮沒何以昭茲來許乎爰進邦人士議辦法僉謂歷年既多中更變亂編纂不易採訪尤難不得其人則奉行故事不得其法則粉飾虛文於是設局徵文分職任事乃因循半載成績無聞不得已舉勸學所長許君秋田主其事許君文學素優兼熟掌故於視學各鄉時詢諸父老證以見聞現已從事纂修擬明歲六月脫稿觀其目錄係仿雲南通志體例分爲十門子目凡五十有七較舊志尤覺綱舉目張書成後當必體例精嚴事實詳明裒然大端爲一方之信史可斷言者今者盜息民安方欲與許君籌商進行旋奉調他差行將去任爰舉續志之由以爲書成日左券

民國九年庚申秋八月知縣事江夏王槐榮序

### 宜良縣志序

宜邑之有志由來久矣考雲南通志藝文志云宜良縣志一修於明萬曆間知縣羅任再修於清康熙間知縣高士朗三修於雍正間知縣朱干至乾隆間知縣王誦芬李淳等先後增修之統計二百年間編輯縣志者歷任邑令凡五人又考李雪堂宜良舊志序云羅東川書成兩卷王蘭舟例列九門而高公朱公不與焉豈當日輯通志者傳聞失實歟抑當日輯縣志者疎漏未詳歟均未可知也溯自乾隆丙午重修後迄於今中斷者一百三十有六年若不及時續修則邑事之湮沒者將不知凡幾幸前邑宰竭力提倡合邑人同心贊助公推許君秋田主其事許君職司勸學獨能力宜良縣志

卷一 序

五

雲南官印局代印

疾從公既負纂修之責復加採訪之勤自庚申七月起稿至辛酉六月成書是舉也分十數人之勞而以一人兼其任合百餘年之事而於一年竣其功非有熱心毅力能如此奏效之速乎予下車甫數月適志稿告成披閱一週見夫考古證今言皆有物分門別類語不離宗洵一邑信史哉若夫全書之體例叙事之顛末目錄及凡例言之詳矣茲不贅

民國十年辛酉夏六月知縣事賓川趙光燾序

宜良縣志序

吾邑縣志經李雪堂續修至清乾隆丙午年止余曾祖匡山即於是年公領鄉薦第一由是捷南宮入詞林陳臬湖北開藩甘肅厥後余叔曾祖麗京公聯捷成進士點庶常與夫闔邑中之先達掇巍科登顯宦文學武功忠義孝友下至畸人逸士烈女嫠婦之善行可紀善言可表者皆不及載咸豐丙辰滇亂作歷十八年而始平其間抄筆從戎之如班定遠者運籌決勝之如張留侯者攻城野戰之如馬新息者老謀勝算之如趙充國者吾邑頗不乏人而殊勳偉績幾湮沒弗傳後之人雖欲考先朝之故實先正之典型其何從而求之余披舊志心竊思焉嘗與陳少泉崔鏡堂諸前輩

宜良縣志

卷一 序

六

雲南官印局代印

提倡續修惜不果而又慮才同襍綫識等管窺百餘年中之事蹟考核難周也故有志焉而未之逮江文通云志不易作豈不誠然乎哉今幸勸學長許君秋田力肩斯任竭一年之力成十卷之書分門別類綱舉目張舉凡天文地理建置食貨學校選舉祠祀秩官人物藝文各門皆可一覽而知之矣其有功於宜也誠非淺鮮而吾家亦與有榮光焉辛酉冬十月邑人嚴紹曾子述序

宜良縣志序

宜良縣志始於明萬曆癸卯知縣羅任衡宇氏創修之終於清乾隆丙午知縣李淳雪堂氏重修之中間續修者又三次前後總纂者凡五人是皆先正典型而爲後儒模範者也迄於今代遠年湮徒慨葛懷之莫考編殘簡斷幾同杞宋之無徵况當老成凋謝之後軼事半遺斯文絕續之交人才難得而欲叙一百餘年之歷史綱舉目張採二百餘村之民風條分縷晰誠戛戛乎其難之亦幾乎或息矣實歷年遊宦忝掌法權回籍養疴謬膺學務猥蒙王華浦邑侯不遺葑菲微材勉盡梓桑義務始則聘充協理繼則委任纂修自知綆短汲深敢謂駕輕就熟顧以事關公益義不容辭

宜良縣志

卷一 序

七

雲南官印局代印

道在師儒責無旁貸爰是力疾從公親赴城鄉採訪虛心下士旁求父老傳聞公餘偶暇私願欲償取省志郡志而互參合清史野史而旁證復蒐羅鄉先達之遺書調查縣公署之成案追溯源流斟酌損益蓋志者誌也事之本末賅焉史之體例存焉編年編月貴則古以稱先記事記言期信今而傳後是宜據事直書其敢憑空臆撰乎計自庚申秋七月分類續編至辛酉夏六月全書脫稿期限一年册成十卷嗟乎五鄉之掌故無窮一己之心思有限是稿也事惟紀實詞不求工亦聊以備賢司牧之採擇供邦人士之品評焉耳雖餽飭成篇不免貽譏博雅而修飾潤色端資就正高明謹序

民國十年辛酉夏六月邑人許實秋田氏撰

宜良縣志

卷一序

八

雲南官印局代印

宜良縣志後序

竊維問俗探風太史掌麟軒之職徵文考獻師儒操筆削之權宜良縣志自前清乾隆丙午歲重修至中華民國辛酉年截止慨滄桑之屢變花甲再週嗟杞宋之無徵竹書莫考諍葛有營遺踪已渺關索有廟舊址難尋城安在哉羅哀籠胡爲取義山猶是也紀良州何以命名考崇眞寺之石佛野史祇載其名訪扯西碑於土人後儒莫知其事唐有段宗勝武功僅見於他書明有谷禪師佛教未傳於本境古人往矣後世惑焉然而拾遺補缺端資父老傳聞索祕搜奇下逮芻蕘問答茲者五千載國體初更君主驟成民主三三十年天道大變今時非復昔時憲書新訂陰曆合陽曆並行宜良縣志

卷一 序

九

雲南官印局代印

官制改編軍政與民政分治覽鐵道之開通界連滇越溯教堂之設立派別法英舊置郵傳函札之交通較便新修電報軍機之消息最靈士風不變術科並重於學科軍紀聿修武事兼通夫文事設警緝奸內地之保安是賴練團弭盜邊防之捍衛宜周城鎮鄉選舉議員開法律之先導農工商講求實業爲根本之良圖凡此皆近年之變法而爲當世所究心者也顧政貴維新風會之變遷有自而人惟求舊地方之掌故宜知我邑附近會垣夙稱沃壤仰觀星野位居井鬼之間俯察輿圖境隸益梁之屬地平山遠氣候則寒暄得宜士樸民醇風俗則勤儉相尙畧劃五區疆域之縱橫可計圖呈八景山川之名勝堪尋况乎文公潯河源累世被龍泉

之澤李公遷廟學當年掄虎榜之元固已農服先疇士食舊德矣  
今也沐氏之助莊久廢田賦須考正供回酋之兵燹迭經戶口必  
稽實數載徵物產各別土宜剝雲臺之松子綠在心頭採寶洪之  
茶芽芬留齒頰南北屯水性宜蒲得溫泉之灌溉左右所土質宜  
棗賴沙地之栽培銅產敵早廢雖經封閉於空山煤鑛新開現已行  
銷於異地固不獨山名石燕泉號火龍已也夫物華原於天寶而  
人傑因乎地靈其間著書立說望重儒林學古入官名登仕版看  
鳳起蛟騰華國類鍾文士展龍韜虎略知兵代產將才至若孝友  
睦嫻書升有幾賢良方正繼起其誰隱逸則清比巢由仙釋則靜  
參佛老守義共姜職兼盡孝含悲杞婦賢更扶孤與夫一鄉善士

宜良縣志

卷一 序

十

雲南官印局代印

百歲遐齡孰謂碩德芳型之罕觀而流風遺韻之無聞者乎泊乎  
滿目烽煙驚心刁斗定遠從戎靖狼氛於紫塞伏波効命裹馬革  
於黃沙世族簪纓固多傑士窮檐巾幗不少完人若是者宜姓字  
之流芳俾忠貞之列傳惟是世變旋非河清難俟簡策飄零舊帙  
曾經劫火典型凋謝老成亦類晨星芳草美人既傷遲暮殘碑斷  
碣復聽銷沈將是躋非舜誰徵輿論之公伸墨詆儒孰救人心之  
正萬古缺天媧皇莫補百年恨海精衛難填識者不以爲末俗之  
憂而直誦前人之略所幸上有循良提倡不遺餘力旁求俊乂贊  
襄各具熱忱於是擇期開會設局徵言紹雪堂之舊澤再觀文星  
採風土之新聞重遊化日續遺編於雉嶺論定千秋仿史筆於麟

經榮褒一字從此書成十卷不嫌禍棗災梨化治一方共識恭桑  
敬梓有良吏自有良民知愛鄉即知愛國匡山三面常留功德之  
碑盤水一灣永著澄清之望許實再序

宜良縣志目錄

卷首

序 目錄 凡例 職名 圖

卷一

天文志 分野 氣候 曆法附 祥異

卷二

地理志 疆域 村落 插花地 道路 鐵路 形勢 附 山川 水利 附 風

俗 古蹟 塚墓附

卷三

建置志 沿革 戎事 城池 汎塘哨舖 街市附

宜良縣志

卷一 目錄

一

雲南官印局代印

官署 倉儲善堂及地方各機關附 津梁 坊表

卷四

食貨志 戶口 田賦 經費 物產

卷五

學校志 廟學 學額 貢例附 書院 義學 新制學校

卷六

選舉志 孝廉方正 進士 舉人 五貢 廩貢例 貢附 武科

新制選舉

卷七

祠祀志 典祀 俗祀 寺觀

卷八

秩官志 官制題名 循吏

卷九

人物志 鄉賢 文苑 武功 宦績 忠義 孝友 善行

行附鄉飲 耆壽 封廕 隱逸 仙釋宗教附方技 寓賢

列女

卷十

藝文志 記議序 墓誌 疏跋 啟書 詩詞

宜良縣志

卷一 目錄

二

雲南官印局代印

宜良縣志稿凡例

一縣志始於明萬曆三十一年癸卯知縣羅任衡宇氏創修分二卷爲類十一至清康熙二十六年丁卯知縣高士朗玉山氏續修雍正十年壬子知縣朱千山立氏續修乾隆三十二年丁亥知縣王誦芬蘭舟氏續修分四卷九志統目四十有二乾隆五十一年丙午知縣李淳雪堂氏重修亦分四卷統目三十有七代遠年湮原板皆毀僅搜獲李雪堂舊志一部以資考據今時閱百餘年重爲訂譌補闕續所未載成十卷

一本志悉遵照雲南通志體例分十門曰天文地理建置食貨學校選舉秩官人物藝文又於各門內分子目凡五十有七俾閱者

宜良縣志

卷一 凡例

雲南官印局代印

展卷瞭然

一舊志如祀典鄉飲諸樂譜及學田書籍等類累牘連編多不適用今悉刪除以歸實際

一舊志於各門內脫畧頗多今悉參考採訪詳細增入以期完備  
一戶口田賦代有損益現在編輯悉照近時冊籍編入

一鐵路教堂雖關係外交究屬本邑轄境故以鐵路附於疆域後以教堂附於宗教內

一舊志因承平日久本無戎事可紀自咸同間回紇之亂歷十八年亂事迭生故於建置志中添戎事一目

一本志依通志例添設方技一目以備一格

一藝文志悉遵照舊志鈔錄此次增入者均係先達名人手筆與邑事相切附者始登載其他著作雖佳不錄

一縣志自李雪堂重修後中斷者一百三十六年老成凋謝文獻就湮採訪諸多困難編輯因之不易疵謬遺漏在所難免尙祈閱者隨時賜教

一本志係以一人主稿總其大成識淺學庸自知不能勝任祇以桑梓義務勉力爲之惟取事實之詳不求詞藻之工閱者諒之

宜良縣志

卷一 凡例

二

雲南官印局代印